

اداره مرکزی :
آقره ده ، معارف ایتلک پانده کی دایره
استانبول جاده سنده آقره

حیات

استانبول بوروسی :
استانبولده ، باب عالی جاده سنده ۱۱۹ نومرولو
دائرة مخصوصه
تلفون : ۳۶۷

نومری هر برده ۱۰ غرورده ..
سنه کی بوسته ایله ۵ لیرا .
(اجنی مملکتلر ایجین ۴ دولار) .

ایره واعلان ایشلری ایجین استانبول بوروسته
مراجعت ایدیلیر .
یازی ایشلرینک مرجعی آقره مرکزیدر .

هیانه دایما هیانه... دیباہ دایما هیرق حیات قانالم...!

صافی : ۱۹

آقره ، ۷ ، نیسان ، ۱۹۲۷

۱ نجی جلد



مستقبل علم و صنعت مؤسسه لر من

- معارف وکیلزک صوک بیاناتی مناسبتیه -
اوروپاده کی تدقیق سیاحتدن دونن معارف
وکیلز ، معارفز حقنده کی قیمتلی مطالعه لری
آراسنده برده بویوک تبشیرده بولونیور : ملی
حرثه عاڈ مؤسسه لره بوندن سوکرا داها بویوک
بر اهمیت ویریله جک و حکومت مرکز مزده
دارالفنون ، موزه ، ملی کتبخانه ، ملی تیاترو
کبی تورک ملتک شرف و قدرتیله متناسب معظم
علم و صنعت مؤسسه لری وجوده کتیریله جک ا
بر ملتک معنوی ومدنی موجودیتنی تمثیل ایدن
بو بویوک مؤسسه لر ایچون ملتزمک هیچ برفدا .
کارلقدن چکینمیه جکی طبعیدر . بناء علیه ، معارف
وکیلزک بومعظم ملی ایشی موفقیتیه ایفا واکال
ایده جکنه شیمیدین قانغز . آقره ده یکی بر
دارالفنون ، یکی بر موزه ، یکی بر تیاترو ، یکی
بر کتبخانه و بونلرله علاقه دار دیگر علم و صنعت
مؤسسه لری وجوده کلدیکی زمان ، آناتولی
تورکلکی ایچون یکی بر مدنی انکشاف دوره سی
آچیلجق ، « آقره » یالکز سیاست دکل ،
علماده تورکیه نك مرکزی اولاجقدر .

آجی اولقله برابر اعترافه مجبورزکه ، مدنی
موجودیتی تمثیل ایدن علم و صنعت مؤسسه لری
خصوصنده ، سائر ملتله نظراً چوق ، پک چوق
فقیرز . استبداد دوری بو جنس مؤسسه لره
قیمت ویرمک شویله دورسون ، ملی حرثه عاڈ
هرتشبک محوی ایچون چیلغینجه سنه چالیشمشدی .

مشروطیت سنه لرنده ده بو خصوصده بویوک برشی
یاپیلامادی . کوچوک برخاطره اولمق اوزره نقل
ایده ییم : ۱۹۱۵ ده تأسیس ایتک ایسته دیکمز
« تورکیات انجمنی » ، اوزمانک هیئت وکلاسی
طرفدن اسمی « آثار اسلامیة و ملیة تدقیق
انجمنی » نه تحویل ایدیلک صورتیه میدانه
چیقه بیلمش ایدی ... دارالفنونمز باشده اولمق
اوزره علم و صنعت مؤسسه لر منک جانلانمغه
باشلامه سی و حکومتجه بو مؤسسه لره اهمیت
و قیمت ویریله سی ، آنجاق جمهوریت اداره سنده
قابل اولدی . فقط ، بوکا رغماً ، بر چوق مدنی
مؤسسه لر دن هنوز محروم بولوندیغمز و آلزده .
کیلرکده داها پک چوق همت ایسته دیکی محققدر .
مثلاً عمومی بر کتبخانه مز ، ملی موزه مز ، ملی
تیاترو مز ، خزینه اوراقز حالایوق .. آرکا اولوزی ،
اتنوغرافی کبی علم شعبه لریله متوغل بر تک
آداممز موجود دکل ... ملی حرثه عاڈ تدقیقات ،
برایکی ساحه مستثنا اولمق اوزره ، ابتدائی بر
حاله ... رسم و هیکلتراشی ، معماری ، تماشا
ساحه لرنده چوق بویوک بر فعالیتیه احتیاج وار . ایشته ،
آنجاق آقره ده قورولاجق اولان وقوتلی یکی علم
و صنعت مؤسسه لر من سایه سنده ، بوتقصانلر منی
تلافی به ، بو ملی احتیاجلری تطمینه چالیشمق
قابل اولاجقدر .

بعضیلری ، آقره ده یکی علم مؤسسه لری
وجوده کتیریله سنک استانبولده کی نمائل مؤسسه .
لرک ضررینه اوله جغنی ظن ایدیورلر . بو
ظنک بر « غلط رؤیت » دن ایلری کلدیکنی
آچیقجه سویله یه بیلیرز . نمائل علم مؤسسه لری
بر برینک « رقیبی » دکل ، « متمم » یدر ؛ هر هانکی
بر علم شعبه سنه مملکتده ویریلن اهمیت چوغالده جقه ،
اوکا عاڈ مؤسسه لرده چوغالیر . « اسکی مؤسسه »

ایچونک چوق سهوینه جک جهت ، کندی ایچندن
« یکی بر مؤسسه » دوغوره بیلیمک قدرتی
کوستره سیدر . استانبول دارالفنونی مثالیارین
« آقره » ده ایکنجی ، اوبرکون « ازمیر » ده
اوجنجی بردارالفنون وجوده کلدیکنی کورورسه ،
تورکیه نك اسکی دارالفنونی اولمق حیثیتیه
بویکی تشکلردن کندیسی ایچون بویوک بر
غرور و افتخار حصه سی چیقارمقده حقلیدر .
(۱۹۱۹) ده استانبول دارالفنونی علمی مختاریتی
قازاندینی زمان ، ایلك تشکل ایدن دارالفنون
دیوانی ، « آناتولینک اورتاسنده ایکنجی
بر دارالفنون تأسیسی لزومه حکومتک نظر
دقتی جلب ایتیهی » متفقاً قرارلاشدیرمشدی .
ساقط ایمراطورلق دورنده بیله کندیخی دویوران
بو احتیاج ، « آقره » مرکز اولمق اوزره
تاسس ایدن ملی جمهوریت دورنده آرتق داها
فضله اھمال ایدیله مز . بواملك تحققتنه چالیشمق ،
بو تون تورک منورلری ایچون ملی بروظیفه در ؛
استانبول دارالفنونک بو خصوصده عهده سنه
ترتب ایدن وظیفه نی تمامیله ایفا ایده جکندن
اصلا شبه ایتمه ملیدر .

۱۹۲۳ ده « آقره » ده ایلك دفعه طوبلا .
نان معارف هیئت علمیه سنده بومسئله موضوع
بخت اولدینی زمان ، بویوک برا کثرت « آقره » ده
ملی علم و صنعت مؤسسه لری وجوده کتیرمک
لزومنده اتفاق ایتمشدی . بنده بو فکرک اک
حرارتلی مدافع لرندن بری وحتی بو خصوصده کی
پروژه نك محرری ایدم . لکن ، اوزمانده ،
بویوک تشبک معین و اطرافلی بریلان دائره سنده ،
و مادی تطبیقه معنوی بوتون وساططی حاضر لانه رق
تمامیله « عصری » و « متکامل » بر شکلده
موقع مرعیته قونولماسی لزومنده اصرار ایتمشدم .


استغراق « ايله چارپيشديرمش ، و غلبه يني ايكنجه به و برمشدر .
شده مدح صرسي (نى) ه كليور . مولوى واصف (مولانا ، مولوى ، مثنوى) مدحيه لرندن سوكر « نى » تعلق ايدن پارچه لرى طولامشدر . يكرمى يني متجاوز اولان بو منظومه لر ، مولويكلك كوزل صنعتلره و خاصه موسيقي به و برديكي افلاطونى قيمتى نه جانلى كوسترور ! « عيني » نك شو پارچه سته باقكر :

روى زمينه ولوله صادى صدائى نى
نه چرخى هپ سماعه كنوردى نوای نى
كوهر شناس وحدت اولور مبتلاى نى
غواص بحر حيرت اولور آشنای نى
كوش ايلين قرار ايده من بر مقامده
صحراى لامكان اويدر تنكناى نى
رنده حيات وخته عشقه شفا و برر
جوش صفائى مى نغم جانفزاى نى ... الخ
بوندن سوكر « مجموعه مولانا » ده (حضرت مولانادر ، مولانادر ، منلاى روم ، ياولى الله ، مولانايى ، مولوى ، مولانا دكل) رديفلى قصيده لر صيرالائمش اولوب موضوع اعتباريله يوقارنده نمونه لرني قيد ايلديكدر منزله متاسبتداردر لر . هپسنده بو يوك متصوفك سرديكي محبت آتشي ، سانكه آلهولى بر منظره در .

قتمى عاشقدر او كيم مولايى مولانا دكل
مصراعى ، بو منظره نك رنگنى ترسيمه كافى
دكيدر ؟
« عيني » نك ، « شيخ غالب » نك « نيازى » نك
مولانادن مهلم مدسلرني و تسديلرني ده اثرده كورمكده يز . مولوى شيخ - شاعر لرنيك اكتريسى تصوفى تربيلرني ، اصل درگاهده ، قونيه ده ، آلكلردر . بونلردن برى اولان نيازى ، باقكر ، نه ديور :

اي دلاكان علوم دانايه كقدم آغلام
ذات اكل دانش والايه كقدم آغلام
انفهام رمز هرايمايه كقدم آغلام
كسب فن نكته معنايه كقدم آغلام
خاكپاي حضرت متلايه كقدم آغلام
فيض قدسى جذب ايچون قونياه كقدم آغلام
بو ، مسدك برنجي پارچه سيدر . ديكر لرى ده عيني صميميت و حرارتله دوام ايدور . صوك بيت ، هپسنده تكرر اتمكده در « جازم » طرفندن شاعره ليلانك :

رهناى سالكاندر حضرت منلاى روم
شمع بزم عاشقاندر حضرت منلاى روم
ايله باشلايان منظومه سى ، « عزقى » طرفندن ده شيخ غالبك :
خوش چالئوب نوبت منلاى روم
اولدى عيان صولت منلاى روم ...
غزلى تخميس ايدمش ، دها باشقه بر جوق



جماي سى

چوجوق صلاحى

Child welfare

۴

اجتماعى سعيك غايه سى فردلرى تشكيلاتلر آلتنده طولايوب ، فرده اجتماعى حقلرني تايمين اتمك ، فردى اجتماعى فرد حاله كتيره كدر ، ديمشدم . اجتماعى حقدن محروم و بو حقى دعوايه اك قابليتسز فرد چوجوقدر . بو تاماً جمعيتك صيرته قالان ، جمعيتك كندينه و برديكي قابله كوره شكل آلان ، فرديتنى و شخصيتنى يابان چوجوق ، ياريسكى مدنيت ماكنه سنك اك بو يوك عامليدر . بونى بوكوندن زياده ياريسك احتياجته كوره حاضر لاق ، فرددن زياده جمعيتك منفعتى ايجابيدر . بونى يالكز اجتماعى بر منفعت شكلنده تلق اتمكده دوغرو دكلدر . جمعيتك هر فرده قارشى حائر اولدنى مسئوليت چوجوغه قارشى دها فضله در . بو ، دوغرو دن دوغرو به جمعيتك قانونى و اجتماعى بر مسئوليتيدر .

بر انسان جمعيتنده دوغان هر چوجوغك ، بر اوده بو يوك ، تربيه فرصتله مالك اولق ، نفس ، او بون ، تحصيل ، جسمانى ، اخلاقى ، معنوى انكشافنى يابه بيلمك و سائطنه مظهر اولق اك اساسلى حقليدر . مدنى بر جمعيتنده چوجوق سواقده يارديمسز و حمايه سز قالاماز . چوجوق باشقه لرنيك مادى منفعتلرني تايمين ايدم بيلن برواسطه اولاماز . چوجوق ساتيلاماز . چوجوق جاهل قالاماز . او قوماسنده ايكن ايشده بالخاصه آغبر ايشلرده چاليشاماز . چوجوق دو كيله من ، چوجوغه ظلم و اشكنجه ايديله من . بو انمان جمعيتنده انسان كى دوغمتى ، بو يوك ، ياشامق و بو كسلك هراجماعى فردكى چوجوغك ده حقى در . اجتماعى سعيك چوجوق تخميسلر بونلرى تعقيباً اثره قيد اولومشدر . يالكز بونلرك ايچنده « نغى » نك مولانا ايچون يازدنى « عيني » نك تخميس ايلديكي پارچه ، آيريجه شايان ذكر در .

« مجموعه مولانا » نك غزليات قسمنى ، آبرى بر مقاله ده تدقيق ايده جكز . يالكز شوراده شونى سويله بيلم كه ، مولوى واصف ، بو يوك تورك شاعرى مولانانك فلسفه سنى ، و خصوصيله فلسفه سنك تاثيرنى تدقيق ايده جك مدقق ايچون چوق قيمتلى بر ماخذ حاضر لامشدر . بو اعتبار ايله اثر ، ادبى تاريخمرك منابى و مراجعتكاهلرى آراسنده مستثنا بر موقعه صاحبدر .

ضياء الدينه فخرى

صلاحنده كى غايه سى ، چوجوغه بو محروم اولدنى حقلرى تايميندر .
تكامل و ترقيسى منظم يابان بر ملت ايچون حال هپچ برشى افاده اتمز . حال ايسته ديكي قاندار ابي و يافنا اولسون ، اكر استقبال مؤمن دكلسه حالده كى ايلكك هپچ بر معناسى بو قدر . بر جمعيتك استقبال چوجوقلريدر .

ياريسكى جمعيتى بوكونكى چوجوقلره باقارق تخمين ايده بيليرسكز . بر مملكتنده چوجوقلرك بوزده يكرمى بش اولوم تهلكه سته ، بو يوك بر قسمنى عرفانسزلى ، صحتسزلى ، غدا سزلى ، تهلكه سته معروضه ، استقبال قورقونج ديمكدر . بوندن اللى سنه اول آمر يقاده چوجوق و قياتنى ، چوجوق حياتى علمى بر صورتده تدقيق ايدن تربيه سى ، روحياى و اجتماعى ايجيلر ، آمر يقانك اجتماعى بر تهلكه به سوروكنديكى استقبالنك قراكلق اولدنى اعلان ايتديلر . بونلر عددلره استناد ايده رك نفوس عمومى به نسبتاً چوجوقلرك بوزده اللينك اولديكى ، بوزده يتمشك تحصيل كوردى كنى ، باقىم سزلقدن ، غدا سزلقدن ، اولن چوجوقلرك مقدارنى ، تربيه اصوللرينك بوزوقلنى بوزندن غائب اولان ذكالىرى ، آغبر ايشلرده نحو اولان چوجوقلرى عددلره تثبيت ايده رك ملتك كوزى اوكنه قويديلر . غزله لر منتظماً استقبال فلاكتدن بحث ايتديلر . كليسالرده بايازلر مستقبل فلاكت حقدنه وعظلم و برديلر . خطيبلر سواقده كرسى قوروب بوتون خلقه مستقبل فلاكتنى آكل ايتديلر . شاعرلر ، اديبلر آمر يقايى تهديد ايدن چوجوق فلاكتنى نرم ايتديلر .

نهايت رئيس جمهور روزونه نى بر اجتماعه دعوتله ايستانستيقلى كوزى اوكنه قويديلر . روزوله ت عددلره استناد ايده ن فاجمه ينى كوردكدن سوكر آياغه قالدى :

... اويله ايه ، ديدى ، بوكوندن اعتباراً مستقبل فلاكته قارشى آمر يقان ملنى و حكومتى نامنه سفيرلك اعلان ايديبورم . فرد ، ملت ، انسان هپمز برابر ، جبهه ده وظيفه سنى يابان بر عسكركى ، چاليشاجمز . او كزده كى برسنه آمر يقانك چوجوق سنه سيدر . حكومت چوجوق صلاحى ايچون اوغراشاجق . نشریات بو ساحه ده آبرى تشكيلات ياپاجق . جمعيتلر قوتلرني بو ساحه ده صرف ايده جك . منتظم برارد و حالنده مستقبل فلاكته قارشى قوياجمز .

آمر يقانك اجتماعى سى و چوجوق صلاحى تاريخنده (چوجوق سنه سى) نك بو يوك بر قيمتى واردر . بوسنه ظرفنده ياپيلان سى ، سركيلر ، نشریات هر فرده چوجوق مسئله سنك اهميتنى دو بورمش ، بوتون مدنى تشكيلاتلر بوندن سوكر و بو سايله وجود بولمشدر .

ميرهورق صلامى ناصل تايمين ايدم بيلير ؟
چوجوقلره قارشى ياپيلان حمايه تشكيلاتنى چوق اسكى زمانلرده باشلار . فقط دائماً دينى مؤسسه لرك ، كليسالرك ، راهب لرك ميدانه كتيرديكى تشكيلات

شفقت اساسه استناد اتمش، غایبی ملجأ سزله بر بولق، محتاجاره یاردم اتمک اولمدر. بوشکل سعیک اجتماعیات نقطه نظرندن غیرنی اولدینی اجتماعی سعیک عالمه طرز تطبیقده کوسترمدم .

چوجوق تشکیلاتی دینی مؤسسہ لک النده قالدینی مدبجه بویاردمده کی غایه قوتلی خریستیان یتشدیرمک، ویامدرسه به طلبه حاضرلامق اولمدر . سوقاقده حمایه به محتاج بولدقاری چوجوقلری یاباز مکتبلرینه ویرمشر، بورابه یرلشدیره مدکلرینی دارالمجزه به ، اختیارلرک، سقظلرک مأوسی اولان یرلره ویرمشر، بو چوجوقلرک بو مؤسسہ لرده برقات داها بوزولماسنه سبب اولمشردر .

بو کونکی اصولره کوره دارالمجزه، جمعیتک صیرتنده طفیلی باشامغه محکوم فردلرک بناهیدر . چوجوقلر دارالمجزه نیک قاپوسندن کیره من . چوجوق تشکیلاتی تماماً تربیوی، صحی، اجتماعی بر ایشدر . دارالمجزه بوکا جواب ویره من .

چوجوق صلاحی، اجتماعی سی شفقت دورنده اولدینی مدبجه، دینی مؤسسہ لک النده قالمش و غیرمشر غایه لر تعقیب اتمشدر . اجتماعی سی فن دورنه کیردکن سوکرا چوجوق صلاحی ده تماماً فنی برایش اولمشر .

آمریقاده کی چوجوق تشکیلاتی آ کلامق ایچون اولا چوجوقلری تصنیف اتمک و هر صنف چوجوغه قارشی یاییلان تشکیلاتی و تعقیب ایدیلمن اصولری کوسترمک ایجاب ایدهر .

اجتماعی سی متخصصلرینه کوره چوجوقلر ایش صنفه آریلیر :

- ۱- اہمال ایلمش چوجوقلر
- ۲- محتاج چوجوقلر
- ۳- اخلاقسز چوجوقلر
- ۵- جسماً و روحاً خاستا چوجوقلر .

اہمال ایلمش چوجوقلر، عالمه سی اولوبده باقلمایان و طالعه حواله ایدیلمن چوجوقلردر . بونلر بعضاً مادی بعضاً اخلاقی و یا اجتماعی یاردمه محتاج اولورلر . آناسی باباسی حیاتده اولان هر چوجوق جمعیتک تفتیش و یاردمندن وارسته قالاماز . چوجوق بو یونمک تماماً فنی برایشدر . جاہل بر آنا نه چوجوغه ویره چکی غدایی، نه اونک مادی انکشافنک طبیعیلکنی اولچہ بیلیر، نه ده دماغی تموینه یاردم ایده بیلیر . بالعکس اکثریتله بو اولرده بو یون چوجوقلره آتالرک فائده دن زیادہ ضرری واردر . بر مملکتک عموم چوجوقلرینی مؤسسہ لرده بو یونمک بو کونکی جمعیت ایچون هنوز قابلیت تطبیقیه سی اولمایان بر شیدر . بوندن باشقا آمریکا تربیہ فیروزو فلرینه نظراً بو مضر برشیدرده . او حالده عالمه او جاغنده بو یون هر چوجوغی آناسنک النہ بیر اقمی ایجاب ایدهر . خیر، اجتماعی سی جمعیتده کی هر چوجوغه اجتماعی صلاح تأمینله مکلفدر . آناسنک قوجاغنده بو یون چوجوقده ده اونک بر حصہ اشتراکی، بر حصہ مسئولیتی واردر . چوجوق یالکز آناسنک دکل، عینی زمانده جمعیتکدر . جمعیتک بو اولد ایچمه کیرمک، بو چوجوغک مادی معنوی انکشافنی قونترول اتمک، بوکا داها سربست بر زمین حاضرلامق وظیفه سیدر .

جمعیت بر عالمه نیک چوجوغنه نه حقله مداخله ایده بیلیر؟ ایسته اجتماعی سعیک الی سنه لک مجادلده دن سوکرا جمعیتک حقوق اساسیہ سی میانہ کچیردیکو ماده لردن بری ده بودر . فنی بر اجتماعی سی یابان حکومتک اجتماعی آژانلری و یا حکومتک تحت تصدیقده کی هر اجتماعی آژان بو اوه کیرهر، و بو چوجوغک اساس حقلرینی و احتیاجلرینی تأمین ایدهر . بوشله ده مصونیت شخصیہ و یا مصونیت مساکن بوقدر، یالکز چوجوق، یاریسکی ملتی یاباچق اولان چوجوق واردر .

اجتماعی آژان وقت و حالی مساعد بر عالمه نیک ایچمه ناصل کیرهر، چوجوغک طبیعی انکشافنی یاپوب یانمادیغنی ناصل تعقیب ایده بیلیر؟ بو وارد اولاجق غایت حتمی بر سؤالدر . آمر اده یاییلان اجتماعی تشکیلات او قادر قوتلی درک هر عالمه نیک چوجوغنی تعقیب ایده بیلیمک واسطه لری تأمین ایلمشر . اولا هر محله نیک بر صحت ایستاسیونی واردر . هر آنه بابا چوجوغنی هر هفته بو ایستاسیونہ کونورور، طارندیرر، صحی انکشافنی دوقتوره تعقیب اتمک فرصت لرینی ویرر . چوجوق دوقتوره ده خاستا اولدینی زمان کیتمز، خاستا اولمازدن اول کیدر . خاستالق استعدادی کوسترن هر عضوی دائمی بر معاینه به تابع طوتولور، حستلق داها باشلانغیچنده کشف و تدایو ایدیله بیلیر . صحت ایستاسیونلر ندره هر چوجوغنی تعقیب ایدهن واقعه اصولی ایلہ سجلی طوتان اجتماعی بر عملہ سی وار . اجتماعی عملہ هم قیلنقده چوجوغک هر هفته کی معاینه نتیجه سنی سجنه یازار، هم عینی چوجوغنی اونده تعقیب ایدر . صحت ایستاسیونی یالکز، چوجوقلری خاستا اولان عالمه لرک مراجعتکاهی دکلدر . صحت ایستاسیونی عالمه لرک قاپوسنه کلینی بکلمز، او عالمه لره کیدر . بردوست کی، بر مسافر کی، بر آرقداش کی بر حامی و یاردمچی کی، نه صفت و شکلده موفق اولورسه او شکلده کیدر . هر عالمه به چوجوغنه قارشی یاباچنی وظیفه لری کوستریر . چوجوغی آناسیله برابر بالذات تعقیب ایدهر . بر خیر خواه کی چوجوغنک ایلکی ایچون چالیشان بو جمعیتک آژانہ هر او قاپوسنی آچار . نه مصونیت شخصیہ و نه ده مصونیت مساکن مسئله سنی موضوع بحث اتمک عقلنه بیله کلز . بعضاً تماماً عکسی بر حالده حادث اولایلیر . بر کون بو ادعا به مخالف وقعیه بالذات شاهد اولدم .

چوجوق صلاحی ایچون چالیشان بر جمعیتده تطبیقات کورمک اوزره بولنیوردم . جمعیتک اجتماعی عملہ سیله برابر چوجوغنی خاسته بر روس عالمه سنه کیده جکدک . روس قادیبنک درت یاشنده کی چوجوغنی خاسته ایدی . دوسیه سنده وقعیه نی تامیله اوقومشدم . چوجوغک خاسته لنی جدی بر اہتمامه احتیاج کوستردیکو حالده قادین چوجوغنی باقاسنی بیلہ بور، قرق درجه حرارتی اولان چوجوغک اوداسنده یکنی پیش بریور، چوجوغنی اوشور قورقوسیلہ بانو یاعما بور، تدریجاً چوجوغک اولومنه سببیت ویریبوردی . جمعیت چوجوغنی آناسندن آلوب خاسته خانه به ویرمکی قرارلاشدیرمشدی .

قادین ایلک دفعه بونی تکلیف اتمشر، قادین چوجوغنی ویرمکه راضی اولمامشدی . او کون اجتماعی

عملہ ایلہ برابر چوجوغنی آلفه کیتدک . آنه نجره دن باشنی اوزاتدی، بزنی کورونجه ایجری جکیلیدی وقاپوبی آجادی . بزم متادی از عاجزه رنغانہ نجره به کلپور، نه ده قاپوبی آجیوردی . نہایت بزدن پک اوصامش اولاجق کہ برتسکه صوبی نجره دن اوزر بزمه بوشالندی . بز یابدیغمز دوشک تحت تأثیرنده قیزمبور بالعکس کولپوردق . بن کندی حسابہ بو تخمیردن سوکره کری دونه جکدم . اجتماعی عملہ دوندی : — نرہ به کیدیورسک؟ دیدی ... بوراده وظیفه من وار ...

باشندن آشانی ایصلانان عملہ نیک حالا اونی وظیفه سنہ باغلی طوتان ایمانی باشمہ بر اوق کی کیردی . او وقت هر کون سوقاقلرده، اولرده عزرائیلک النہ ترک ایستدیکمز چوجوقلره قارشی کوستردیکمز لاقیدینک وجدان عذابنی دویدم .

اجتماعی عملہ شفقتله کیره مدیکی بو اوه بو دفعه حبلہ ایلہ کیرمک طریقتی اختیار ایندی . اوک آشانی قاتنده اوبنایان چوجوغه باقاندن آلدینی بر جقولانا پاکتی اوزامق قاپونک آجیلماستی تأمینہ کافی کلدی . ایجری کیردیکمز زمان چوجوق بشیکده صولپور، کیم بیلیر بلکه جان چکشیوردی . آرتق قادینی اقتناع زمانی کچمشدی . تلفونله خاسته خانه دن کیتردیکو اوتوموبیلہ چوجوغنی قوبدق، آنه سنک فریاد لرینه رنغاناً چوجوغنی خاسته خانه به کونوردک .

جمعیتک عالمه داخنه کیرمہ سی ایچون مکتبلرده چالیشان زیارتچی معلملرده واسطه اولور . هر مکتبک چوجوقلری اولرنده تعقیب اتمک ایچون زیارتچی برر معلمی واردر . بو معلملرده واقعه اصولی ایلہ چوجوغک سجلی طوتار . صحی تدایو به احتیاج کوسترن چوجوقلری صحت ایستاسیونہ و یا خاسته خانه به کونورور . غداسی اکسیک اولان خیر جمعیتک یاردمینی تأمین ایدر . بو معلملرک طوتدینر دوسیه لردن ده اجتماعی عملہ استفاده ایدر، جمعیتک اوه کیرمسنه واسطه اولور .

عالمه، انفرادی، کندی کندینہ بر عالم، عالمه رئیس کندی یاران دینی عالمک الہی دکلدر . عالمه جمعیتک ایچنده دوغمش، جمعیتله متسلل بر اشتراکی اولان، وظیفه و مسئولیتی اولان بر مؤسسہ در . قاپولرینی جمعیته قاپوب کندی حدودنده یاشایاماز . جمعیتک بورابه کیرمک، عمومی منفعتی التزام ایدهن مسئله لرده بالخاصہ چوجوق مسئله سنده ناظم و مرشد رولی اوبنامق هم حق هم وظیفه سیدر . دیبه چکسکرکه بر آنه نیک آرزوسنه رنغاناً بر جمعیتک آدای بر چوجوغنی کلوب اوندن ناصل آلابیلیر؟ چوجوق صلاحی اجتماعی، فنی برایش اولان، چوجوق اوزرنده جمعیتک حمایه و تفتیش حق قانوناً مصدق اولان یرلرده فنی اجتماعی سی یابان جمعیتلره بو حق ویریلشدیر . بو جمعیتلر (اجتماعی سعیک عالمه به طرز تطبیق) مقاله سنده یازدیم کی واقعه اصولی ایلہ چوجوغک سجلی طوتار، و چوجوغنی صلاحه ایریشدیرنجیہ قادر تعقیب ایدهر . جمعیت ایچنده موجود بش صنف چوجوقدن (اہمال ایلمش چوجوقلر) اسمی ویردیکمز صنفه قارشی تطبیق ایدیلمن اصول بودر .

صحبہ زکریا